



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Cornelii Iansenii Episcopi Iprensis Avgvstinvs**

In quo hæreses & mores Pelagij contra naturæ humanæ sanitatem, ægritudinem & medicinam ex S. Augustino recensentur ac refutantur

**Jansenius, Cornelius**

**Lovanii, 1640**

4. Prima gratia generalis Massiliensium, est doctrina & Euangelij prædicatio: & cur quibusdam subtrahatur à Deo.

**urn:nbn:de:hbz:466:1-13650**

modo illa remotiora beneficia, sed etiam illa propinqua; quibus actu & efficienter redemptionis pretium semel oblatum per fidem atque baptismum singulis applicator omnibus omnino sine exceptione largiri. Hoc est omnibus omnino sufficientem actualem gratiam dare,

Cap. 10.

*Gratia, qua Christi populus sumus, hoc cobibetur  
Limite vobiscum, & formam hanc ascribitis illi:  
Ut cunctos vocet illa quidem invitetque, nec ullum  
Præteriens, studeat communem offerre salutem  
Omnibus, & totum peccato absolvere mundum.*

Et paulò post:

Cap. 11.

*Dic unde probes quod gratia Christi  
Nullum omnino hominem de cunctis qui generantur  
Prætereat, cui non regnum, vitamque beatam  
Impertire velit.*

Faust. lib. 1.  
de grat. &  
lib. arb. c. 17

**E**T Faustus: Quis tam immemor salutis sue sit qui attrahentis misericordiam negare præsumat? Sed ille vere impius est, qui eam non cunctis ingeri, non omnibus testatur impendi. Et Catholicam Divi Augustini doctrinam vellens, qua totum gratia tribuere solet; cum responderimus, inquit, totum plane gratia est, sed omnibus eam offert atque ingerit ad salutem omnium conditor atque redemptor: ad hæc illi longe a pietatis tramite recedentes, respondere præsumunt: non eam salvator omnibus dedit quia nec pro omnibus mortuus est. Ecce quod supra diximus, omnibus gratiam dari volunt, eo quod pro omnibus Christus mortuus sit: cuius contrarium Faustus omnesque Semi-Pelagiani Augustino & Catholicis invidiose tribuerunt. Et rursum alibi: *Illud melius à nobis poterit dici (totum scilicet esse*

*folius gratiæ) qui non in partem, sed in totum genus humanum gratia beneficia satemur extendi. Et Massilienses apud Prosperum: Ideoque omnem hominem ad credendum & ad operandum divinis institutionibus admovent ut de apprehendenda vita æterna nemo desperet, cui voluntaria devotioni remuneratio sit parata. Ex quibus manifestum est omnibus omnino Semi-Pelagianis duo ista communia fuisse dogmata & veluti cardines totius erroris quod Deus generali quodam proposito, quantum in se est, vellet omnes omnino homines salvos fieri, & quod consequenter in omnes omnino gratiam suam indifferenti quadam bonitate profunderet, qua possent si vellent ad salutem salutisque remedia omnibus propolita pervenire.*

Epist. 1. c. 3.

Prima gratia generalis Massiliensium est doctrina & Evangelij prædicatio & cur quibusdam subtrahatur à Deo.

## CAPVT QVARTVM.

**S**ED QUAMAM sint illæ gratiæ generales, quas omnibus dari statuunt, non perinde apud omnes extra controversiam est.

In primis igitur indubitatum esse debet, eos admisisse gratiam institutionis divinæ seu doctrinæ, qua fidem suam & salutem homines Deus docet ac suadet. Hoc est enim quod Massilienses paulò ante apud Prosperum dicentes audivimus: *Omnem hominem ad credendum & operandum divinis institutionibus admoventi.* Sub hac gratia omnem doctrinam & suasionem adeoque legem ipsam & in primis prædicationem Evangelicam complectuntur, per quas Deus homines ad salutem gratis vocat.

Hinc eos teste Prospero, in regnum prædestinatos

Epist. ad August.

*asserunt, quos gratis vocatos dignos futuros electione præviderit. Et apud Hilarium multa scripturæ testimonia ab Augustino prolata ad id referunt, ut ex his eam gratiam accipiant commendari, qua unusquisque post voluntatem iuvatur, ad ipsam vocationem que præstatur indignis. Et Augustinus de se testatur eandem se gratiam gratuita vocationis sive prædicationis similiter admisisse, cum similiter ut Massilienses erraret: Neque enim fidem, inquit, putabam Dei gratia præveniri ut per illam nobis daretur, quod posceremus utiliter, nisi quia credere non possemus, si non præcederet præconium veritatis. Ecce cum Semi-Pelagianis errans tam necessariam gratiam prædicationis esse putat ut sine illa credere non possemus. Nec mirum quia ut alibi tradit:*

ANIMA



